



UNIVERSITÄTS-
BIBLIOTHEK
PADERBORN

Archiepiscopatus Et Electoratus Trevirensis

Abtei Sankt Maximin <Trier>

Avgvstae Trevirorum, 1633

Littera A. Diploma Dagoberti Regis Francorum de anno DCXXXIII.

[urn:nbn:de:hbz:466:1-62152](https://nbn-resolving.org/urn:nbn:de:hbz:466:1-62152)

SEQVNTVR DOCUMENTA,
superius allegata.

Littera A.

DIPLOMA DAGOBERTI RE-
gis Francorum de anno DCXXXIII.

Dagobertus Rex Francorum, Viris Illustribus, Du-
cibus, Comitibus, Domesticis, & omnibus agenti-
bus, tam ultra quam citra Rheum vel ultra Ligerim,
tam absentibus, quam presentibus. Illud, ad augmen-
tum vel stabilitatem Regni nostri, sine dubio, in Dei no-
mine, credimus permanere; si Sacerdotum vel Ecclesia-
rum Dei rectis petitionibus annuentes, id, quod nostris
auribus patefecerint, perducimus ad effectum: Ideoque
vir Apostolicus, Pater noster, Dñs Modoaldus, Archie-
piscopus Ecclesiæ Treuericæ, Præceptum afferens ad
Nos, præceptionibus Prædecessorum, Anteriorum Re-
gum, parentum nostrorum, Sigeberti, Theodeberti,
Theoderici, imoq; bonæ recordationis Hlotharij glo-
riofii Regis, Genitoris nostri, manibus roboratum; in
quo erat insertum, quod non solum idem Genitor no-
ster, verum etiam præfati Prædecessores eius, Reges vi-
delicet Francorum, omnes res quascunq; boni & San-
cti viri, pro diuinæ contemplationis intuitu, ad partem
S. Petri Treuirensis Ecclesiæ delegauerunt, suorum præ-
ceptorum autoritate confirmarunt, quatenus eorum
Regnum, superno auxilio tueretur, & postmodum ipsi
in ætherio Regno, cum Christo sine carente, gaudere
possent; itaque pro rei firmitate idem præfatus Præsul
Modoaldus deprecatus fuit Sublimitatem nostram, vt
paternum ac prædecessorum morem sequentes, huius-

N. 1.
Dagober-
tus Rex
Francorū,
ad instan-
tiam S. Mo-
doaldi Ar-
chiepiscopi
Treuiren-
sis, confir-
mat præ-
ceptiones
Antecesso-
rum suorū.
N. 2.
Causa con-
firmatio-
nis impul-
sua.

H

mo-

N. 3.
Assensus
Dagoberti
Regis.

N. 4.
Præceptum
Regium.

N. 5.
Nomina
locorum.

N. 6.
Dagober-
tus, omne
ius & pro-
prietatem
prædictori-
locorum
Ecclesie
Treuirensi
perpetuali-
ter manci-
pauit.

N. 7.
Imp-rium
& iurisdic-
tio penes
Episcopos.

modi nostræ authoritatis Præceptum, ob amorem
Dei & reuerentiam S. Petri, de eisdem rebus iuberemus
fieri: cuius petitioni libenter assensum præbuimus, &
hoc nostræ authoritatis Præceptum, erga ipsam Eccle-
siam, p̄ diuini cultus amore, & animæ nostræ remedio,
fieri decreuimus; per quod præcipimus atque iubemus,
vt omnes res vel facultates ad Ecclesiam S.
Petri Treuericæ Urbis pertinentes, scilicet
Cellam S. Hilarij, quæ nunc appellatur S.
Maximini, quæ est in prædio Sancti Petri
constructa, & Cellam S. Paulini & S. Eucharij &
Monasterium S. Mariæ, quod idem præfatus Pontifex
Modoaldus, in territorio S. Petri, nuper à fundamento,
construxit, & vocatur Horrea, Basilicamq; S. Martini,
sitam in pago Maigninensi; & cæteras Basilicas, castella,
vicos, villas, vineas, siluas, homines, vel quicquid lar-
gente diuina clementia, deinceps ad eandem augmen-
tandam Ecclesiam tribuetur, circa Rhenum & Lige-
rim fluuium, in Regno nostro consistentia, omnia
sub iure & potestate S. Petri Treuirensis
Ecclesie, eiusque Pontificis perpetualiter
mancipata permaneant. Præterea pari modo et-
iam statuimus, vt nullus ex publicis Iudicibus, vel ali-
quis ex iudiciaria potestate in Monasteria, Ecclesias, ca-
stella, vicos, vel agros, loca, seu reliquas possessiones
prædictæ Ecclesie, tam vltra, quam citra Rhenum vel
Ligerim fluuium, in pagis vel territoriis, quæ infra pote-
statem Regni nostri, memorata possidet Ecclesia; vel
quæ deinceps in Iure ipsius Sancti loci voluerit diuina
potestas augeri, ad causas audiendas, vel freda aut tri-
buta,

buta, aut coniectos aliquos exigendos, aut mansiones
 vel paratas faciendas, aut fideiuliores tollendos, aut ho-
 mines ipsius Ecclesie distringendos, vel iniustas exa-
 ctiones inquirendas, vel teloneum exigendum, nostris
 & futuris temporibus aggredi audeant; vel ea quæ supra
 memorata sunt, nequaquam penitus exigere præsu-
 mant. Sed liceat memorato Præsuli, suisque Successori-
 bus, omnia præfata Monasteria, villas, vicos, & castella,
 cum suis adiacentibus, integrè, perpetuo tempore, pro
 remedio animæ nostræ, seu parentum nostrorum, sicut
 in præcepto piissimi Genitoris nostri continetur, quieto
 ordine possidere, & nostro fideliter parere imperio. Sed
 ut hoc nostræ authoritatis Præceptum pleniorum, in Dei
 nomine, obtineat vigorem, & à fidelibus Sanctæ Dei
 Ecclesie, nostris videlicet, præsentibus, & futuris tem-
 poribus, verius credatur, & diligentius à Successoribus
 nostris conseruetur, manu id propria, cum Luidis no-
 stris subterfirmavimus, & annuli nostri impressione si-
 gnare iussimus. Datæ Anno Incarnationis Dominicæ
 DCXXXIII. Regni XII. Dagobertus Rex Franco-
 rum. (L.S.) Cunibertus gratia Dei Coloniensis Archie-
 piscopus. Abbo Metensis Episcopus. Principius Spiren-
 sis Episcopus. Pipinus Maiordomus.

N. 8.
 Amplitu-
 do posses-
 sionum.

N. 9.
 Subscriptio
 Dagoberti
 & Luidis-
 rum siue
 clientum
 suorum.

Littera B.

DIPLOMA SIGEBERTI REGIS
 Francorum de anno DCLIII.

IN nomine Domini Amen. Sigebertus, diuina fauente
 gratia, Francorum Rex. Quoniam adoptionem filio-
 rum Dei præstolamur, ad quam per pacem attingitur;
 teneamus pacem inuicem & in omnes; beati enim paci-
 fici, piscopi

N. 10.
 Rex Sig-
 bertus ad
 instantiam
 S. Modoa-
 di Archie-
 piscopi

H 2